



## გ ა ნ ჩ ი ნ ე ბ ა

საქართველოს სახელით

კრედიტორთა კრების მოწვევის შესახებ

05 დეკემბერი, 2019 წელი

ქ. ქუთაისი

ქუთაისის საქალაქო სასამართლოს

მოსამართლე - ციცილო მოსიძე

მეურვე: სსიპ „აღსრულების ეროვნული ბიურო“

წარმომადგენელი: მიხეილ ლომთაძე

მოვალე: შპს "იმპერიალი 2000"

წარმომადგენელი: ამირან მალაყმაძე (დირექტორი)

წარმომადგენელი - მირიან კვიციანიძე

კრედიტორი: სს "ბანკი ქართუ"

კრედიტორი: სს "დაზღვევის კომპანია ქართუ"

კრედიტორის წარმომადგენელი: ნათია ჩაჩანიძე

კრედიტორი: სსიპ შემოსავლების სამსახური

კრედიტორის წარმომადგენელი: მადონა გეწაძე

კრედიტორი: შპს "აგრიკომი"

კრედიტორის წარმომადგენელი: მიხეილ ვაშაკიძე

კრედიტორი: შპს "გალტამი"

მოთხოვნა - კრედიტორის მოთხოვნის აღიარება

სასამართლომ ზეპირი მოსმენის გარეშე განიხილა კრედიტორთა კრების მოწვევის საკითხი და

## გ ა მ ო ა რ კ ვ ი ა :

ქუთაისის საქალაქო სასამართლოს განხილვაშია შპს „იმპერიალი 2000“-ის გადახდისუუნარობის საქმე.

2019 წლის 15 მაისს შპს „იმპერიალი 2000“-ის სახელით ქუთაისის საქალაქო სასამართლოს განცხადებით მომართა ამირან მალაყმაძემ და მოითხოვა კომპანიის მიმართ გადახდისუუნარობის საქმის წარმოების დაწყება.

ქუთაისის საქალაქო სასამართლოს 2019 წლის 14 ივნისის განჩინებით შპს „იმპერიალი 2000“-ის განცხადება გადახდისუუნარობის საქმის წარმოების დაწყების შესახებ მიღებული იქნა სასამართლო წარმოებაში. მეურვედ დაინიშნა საქართველოს იუსტიციის სამინისტროს მმართველობის სფეროში შემავალი საჯარო სამართლის იურიდიული პირი – აღსრულების ეროვნული ბიურო (შემდგომ – აღსრულების ეროვნული ბიურო). განჩინება განცხადების წარმოებაში მიღების შესახებ საქართველოს საკანონმდებლო მაცნეს ვებგვერდზე გამოქვეყნდა 2019 წლის 21 ივნისს.

2019 წლის 03 ოქტომბერს შპს „იმპერიალი-2000“-ის კრედიტორთა პირველი კრება გადაიდო და მოწვეულ იქნა შემდეგი დღის წესრიგით: 1. კრედიტორად აღიარების საკითხის განხილვა; 2. კრედიტორთა რეესტრის დამტკიცება; 3. მომრიგებელი საბჭოს წევრების დანიშვნა. კრება მოწვეული იქნა **2019 წლის 29 ოქტომბერს 13:00 საათზე**;

2019 წლის 29 ოქტომბერს გადადებული კრება ვერ ჩატარდა, ვინაიდან 2019 წლის 09 ოქტომბერს (ფოსტის მეშვეობით გადმოგზავნილია 8 ოქტომბერს) ქუთაისის საქალაქო სასამართლოს კერძო საჩივრით მომართა მოვალე შპს „იმპერიალი 2000“-ის დირექტორმა და მოითხოვა 2019 წლის 03 ოქტომბრის საოქმო განჩინების გაუქმება სს „ბანკი ქართუს“ მოთხოვნის 9 069 095.14 ლარის აღიარების ნაწილში და მოითხოვა პირგასამტეხლოს შემცირება 379 087.57 ლარამდე.

2019 წლის 15 ნოემბერს, 28 ნოემბერს და 29 ნოემბერს ქუთაისის საქალაქო სასამართლოს განცხადებით მომართა შპს „იმპერიალი 2000“-ის წარმომადგენელმა და „გადახდისუუნარობის საქმის წარმოების შესახებ“ საქართველოს კანონის 21-ე მუხლის მე-2 პუნქტის „ე“ ქვეპუნქტის შესაბამისად მოითხოვა ნებართვის გაცემა დანართის სახით წარმოდგენილი დამატებით თანამშრომლებზე შრომითი ხელშეკრულებების გაფორმება 6 თვის ვადით.

სასამართლო გაეცნო წარმოდგენილ განცხადებას, გაეცნო საქმის მასალებს, მიაჩნია, რომ შპს "იმპერიალი 2000"-ის გადახდისუუნარობის საქმეზე მოწვეულ უნდა იქნეს კრედიტორთა კრება.

„გადახდისუუნარობის საქმის წარმოების შესახებ“ საქართველოს კანონის 27-ე მუხლის ოცდამეორე ნაწილის თანახმად, კრედიტორთა პირველი კრების ხანგრძლივობაა არა უმეტეს 7 სამუშაო დღისა. კრედიტორთა უბრალო უმრავლესობის არგუმენტირებული წერილობითი თხოვნის საფუძველზე მოსამართლეს შეუძლია ამ ვადის გაგრძელება არა უმეტეს 3 დღით.

სასამართლომ იხელმძღვანელა „გადახდისუნარობის საქმის წარმოების შესახებ“ საქართველოს კანონის მე-5, მე-7, მე-8, მე-9, 25-ე, 27-ე მუხლებით, საქართველოს სამოქალაქო საპროცესო კოდექსის 284-285 მუხლებით და

### და ა დ გ ი ნ ა:

1. მოწვეულ იქნეს კრედიტორთა კრება 2019 წლის 23 დეკემბერს 15:00 საათზე ქუთაისის საქალაქო სასამართლოში (მდებარე ქალაქი ქუთაისი, კუპრაძის ქ. №11) სხდომის დარბაზი №5, შემდეგი დღის წესრიგით:

- 1) კრედიტორად აღიარების საკითხის განხილვა;
- 2) კრედიტორთა რეესტრის დამტკიცება;
- 3) მომრიგებელი საბჭოს წევრების დანიშვნა.

2. განჩინება გამოქვეყნდეს გადახდისუნარობის საქმის წარმოების ელექტრონულ სისტემაში;

3. განჩინება ასევე გამოქვეყნდეს საქართველოს საკანონმდებლო მაცნეს და ქუთაისის საქალაქო სასამართლოს ვებ. გვერდებზე. განჩინების საქართველოს საკანონმდებლო მაცნეს ვებ. გვერდზე გამოქვეყნება დაევალოს გაკოტრების მმართველს;

4. განჩინებაზე შეუძლია კერძო საჩივრის შეტანა გადახდისუნარობის საქმის წარმოების პროცესის მხარეებს, აგრეთვე იმ პირებს, რომელთაც უშუალოდ ეხებათ ეს განჩინება მისი გადაცემიდან 5 (ხუთი) დღის ვადაში ქუთაისის საქალაქო სასამართლოში (მის. ქ. ქუთაისი კუპრაძის №11). ამ ვადის გაგრძელება დაუშვებელია.

მოსამართლე:

ციცინო მოსიძე